

文百度諸司庶府求正而取咨者惟公是望也公往哉出其素所閱歷諳練之餘若駕輕駟就康莊若執著蔡定衆志不但作式留都且爲他日贊元經化之地矣嵩也獨縻于茲幸公之共察家獲鏃礪括羽之益爲多而今則遠別以去能無介于懷哉故於九卿諸大夫之合餞以觴也特以是道公之行詩曰維嶽降神生甫及申言生有自也又曰維申及甫惟周之翰言出有爲也

少司徒吳公考績序

處煩任重令修而政通民輯而邦理功之著也夫是之謂才守道直已細矜而獨慎德立而譽光節之美也夫是之謂行才行備夫是之謂士然予觀夫士方年壯志銳意有所慕立名喜功之氣勝踔厲奮發以美才竒節自見世多有之歲月既移所慕者獲能不自怠者鮮矣歷蹈禍難頓踣困躓始終不自悔者其尤鮮哉南京戶部右侍郎東湖吳公早有卓行舉進士即上書言民所利病已駕軋行輩既而歷郡邑陟藩臬副都臺出入兵戎錢穀之寄幾四十年前後抗疏論事無慮數十中間忤權闢得罪幾斃蓋今天下論舉難事劇司有餘力者論特立果行禍變不懼者

必僉曰東湖公云公頃自湖南召入爲兵部侍郎數日而有南京之命或意公不能無少望且囊括臍噉將亦少懲矣然公無幾微見顏面勤勞治職弛張興革勇往直遂壯銳者所不及復條時政十二事上之蓋公果毅揭揭自樹性然也當其意所獨至即舉世非之不沮不回政暇則繙閱羣籍名賢緒論吏治條貫以至器物名數罔不究切口誦手抄積於案几此豈有所悔而怠者乎夫論士者必原其志必徵其學必究其終志者衷之存也而誠難學者用之積也而不倦難誠不倦而後可終故終難即是而觀世固有

卓詭烜赫可集事於一時而無建於永圖矯佞沽激可徵譽於一時而不競於晚節者其視公何如也當明聖渴賢之日衆方期公益究厥施以謀謨廟堂使天下陰受無智名無勇功之福亦公之志也而近且累疏辭位茲以考績經謀歸卧則賢者出處衆人固不能窺其際邪雖然公豈得終辭哉敬以是道公之行

少司寇胡公赴 召序

昔漢文帝時張釋之爲廷尉有犯蹕盜環者帝欲重其罪釋之曰法者天下公共也又曰法如是足也帝

許之申屠嘉爲相大中大夫戲殿上則檄召困辱帝
至遣使往謝丞相夫臣之執法也犯顏強諍而不爲
拂君之從善也改容異志而不爲難是故臣主之名
俱榮政令一朝廷尊而天下治後世尊君卑臣之分
嚴而左右讒間之說勝夫分嚴則情志隔矣讒間之
說勝則是非眩矣天子曰辟予曰勿辟由是辟焉則
爲濫罰天子曰宥予曰弗宥由是宥焉則爲縱惡於
是有逆耳之言有貌從之失而君臣之道多不克終
嗚呼難哉嘉靖二年秋刑部尚書見素林公既去位
上博采廷議以左都御史蓉溪金公爲尚書東魯

孟公廣平胡公則遞遷爲左右侍郎胡公自南京刑
部特召以入君子曰其民之望乎其國之榮乎其刑
平乎其弗濫弗縱矣乎胡公往年爲都御史巡撫大
同抗疏諫 武皇巡遊拒逆彬之邀饋被斥卧家士
論躓之公性周練自始仕至今所治皆要劇有聲望
而飾之以文濟之以遠度茲往也有餘力焉況當
明天子聽言急治之朝諸君子同舟共濟之美則享
有其榮而無其難也庶將見之乎

贈陸選之序

選之拜福建按察之命其寮諸君相率請予言以爲

贈子聞之贈者有所增益之謂也選之受易學於尊
翁憲副妙齡擢上第伯季駢列華要稱文章家子則
何能有所增益哉選之爲儀部二年當 聖天子稽
崇古制遠覽哲王廼議祀天禮地朝日夕月 皇后
始蠶于宮原徵建嬪御爲宗社長慮維時百禮叢舉
古儀罔攸見尚書李公受 上密命宸翰日馳乎南
宮之署公討析疑義區畫詳定入贊大猷不遺餘力
而選之實分理厥務操牘書奏或受公意指或自出
創構簡故實據經制倉卒取具事理粲然而詞誼勁
切敷奏惟允予叨部貳愧不能出一語爲助然則予

何能有所增益哉雖然予亦安能已於言夫世所稱
以謂難得者精明博洽敏贍之才既得之矣施於有
政若健翮乘長風高屋建瓴水驅駟馬騁康莊恣所
往而莫之禦也然君子之論屢歎夫才之難得又病
夫時之難爲夫強明矯拂直己而自遂奮不度時勢
之宜其失也激媿媿脂韋懷利而避害昧是非決擇
之正其失也隨隨不足道也而激豈事之得哉誠得
夫大雅明哲之君子相與同舟而濟庶幾協靖共之
誼敦匪懈之忠不要譽而亢不枉道而同以登濟茲
治君殆近之矣乃遽別以去予能無介然于懷耶序

金山堂集 卷三
以贈其行嗟乎選之何以處我

贈李運司序

易曰何以聚人曰財夫財者王者所恃以合天下之衆也周禮一書理財居其半聖人思理財之難故制爲法纖悉備密擇吏而慎守之故吏者天子所恃以守天下之法也吏不良則法廢而莫守法不守則財弊而莫理財莫理則天子不得享其利貴倖強右從而蟠互牟斂其間非獨貴倖強右牟斂之隴晦川澤之賤夫皆能私其取予騁智擅力以恣其非望之欲甚則由是啓釁而貽害夫廢法爲治雖堯舜猶難之

況世主橫濫不經之費欲持此而幸天下之給足其將能乎今之鹽課國用所需財政之大者也特置運司以領之其長曰使曰同知皆秩高而位寵常選諸吏有材諳勞績者表用之戶部郎中新城李君擢爲兩浙運司同知君初爲令爲州守爲揚州同知以入戶部前後皆有財政君皆優爲之揚爲兩淮運司所治君往居其間則其吏能否政利病修廢蓋習見飫聞之而槩於中久矣蓋今百司具有已成之法惟明習慎操之自足以致治況以君屢試既效之能嗾政其無難矣乎部寮諸君子來求予贈言故以是書之

贈易揚州序

四海九州之遠閭閻幽隱疾痛之情勢有所不得達於天子之庭天子以拊循安選寄之於刺史縣令刺史縣令於民近而易知也其情幽隱疾痛得於目易見也以易見之近告易知之事由是下之情得不鬱而上聞君之澤得不壅而下究雖有水旱凶荒之變而民不病故曰天子所與共治天下者刺史縣令而已今州縣之灾甚矣淮之南北連數州之境亢旱淫潦夏秋相仍暴眚蕩廬杼柚蕭然流離傭丐殍死者屬於道藉使令查弗治守貽弗恤如吾民何易君之

守揚州也始至則親以身當風炎日燠之毒以行禱羣祀浹旬當饋而歎方寢而不寐又已責弛禁抑價平糴列狀書奏天子於是有寬蘇之詔有賑濟之使夫菑沴堯湯之世所不能無也惟得人焉以求拯補之術則民恃無患雖飢且瘠而不至盡委溝壑而今世吏其漠然者固無足責幸知其急而欲拯之者其力與才又不足以事如易君者既不忽於民而力又有餘則爲之民者庶幾其有賴乎初君將之官尚寶卿鄭公屬嵩爲贈言諾焉而未及復也及是揚之士以君治狀來告則以是爲贈庶幾以慰君之志

而相其勤焉耳

贈蕭提學序

人才風俗之未盡復古也其有由乎古之教也以德
今之教也以法以德者其本在躬行入於人者漸而
須其遲久之功以法者其要在禁制吏不得久其職
而責效於欲速古之人自幼至長未嘗去於學也詩
書六藝之文祭祀鄉射讀法之儀春秋合樂攷藝選
言之政以至論獄出兵授捷之法教之之術無所不
具也磨揉遷革使易其志而卒歸於善自其動作食
息身心性情之始而化民成俗常必繇之其究也公

鄉士庶皆得其才仁讓孝悌忠篤之風興於家而行
於鄉邑於乎是豈一朝一夕之致哉後世學校之設
自國都以至郡邑聚徒而教之擇吏以司訓勅品式
法意猶夫古也而士所習者文焉已矣有司者操尺
寸以臨之視其藝之工拙功力之勤惰評隲而勸懲
之已矣其所以長育成就之實則非古也蕭君子雖
之督學南畿也數爲予道陳克菴戴恭簡之賢二公
者嘗以御史督學於斯者也陳公動則古人力變故
習以身爲教令諸生讀小學習冠婚祭儀後遷副使
提學河南戴公考校以文藝占器識有請謁者遜不

色拒而終一無所撓後遷副使提學陝西二公敷歷
中外稱爲名臣而學政尤著跡其所爲先德義而後
文詞先化導而後防督皆世所不暇爲者於是知蕭
君善自擇而慕焉者也君之擢河南也仍以副使督
學又適與二公類夫君子之尚友也苟擇其善而師
焉無不至也況又進焉吾安知其所先後哉抑吾聞
後世之吏得行其志者難也蓋其所操以爲評騭懲
勸之具者不得不任乎法也而人之責乎已者備舉
法而繩之不幸一不當其意則怨且讟隨之況起而
撓之矣非篤信不惑強立無懼者其不怠且沮耶君

往哉弗怠弗沮尚久而須其成焉庶幾吾見復古之
盛矣

鈴山堂集卷第二十一目錄

序

袁州府志序

雲臺編序

嬰童百問序

雲臺編後序

代祀贈言錄序

周氏族譜序

龔氏譜序

碑

嚴州夏公祠堂碑

定遠今唐君遺愛碑

旌表竇氏貞烈之碑

鈴山堂集卷第二十一

序

素州府志序

郡有志猶國有史也古者列國皆有史晉乘楚檮杌魯春秋是也後世作於朝廷者曰史於四方者曰志明興四方之志蓋爛然矣法雖與史異而疆域見焉土風物產著焉創建詳焉食貨兵防祠祀政教寓焉名臣哲士貞媛之風美列焉而後之曰史者所采錄又多於此焉據則志於四方固亦史也素為江右大郡政賦視古侯國所出才賢文學忠節行誼之士

炳靈毓秀彬彬所萃法宜有志故有志譌舛闕誤觀者病之歲壬申嵩養疴鈴山太守姚侯惟寧以書來屬輯志謝不敏不獲於是稽郡乘觀星野攬捩子史傳記之說網羅金石之文旁聽博聞山氓故老之談以輔益其事以為志是故首之圖境土別矣次之表沿革識矣次之創建食貨諸目官政具矣次之名宦人物觀法者可考矣又次之文藝古今之制作備矣既成而諦觀焉復自慙曰是惡足謂志夫志繁則複簡則遺紊則失序昧則弗章銜文采則罔實溢美則近諛徇情則曲任已則愚一有于是則弗公弗公則

無以示遠而垂戒夫惟不繁於辭而其事備也不淆於序而其統正也不侈於文而其體質也不牽浮議不休貴勢不比親暱而予奪公其守嚴也書其美則惡者戒書其得則失者彰而勸戒之義昭也夫若是者志之善歟史之義歟雖然予何能焉竊欲勉焉耳矣志凡卷十四目四十有一姚侯倡之未幾去今守徐侯宗獻卒成之振一郡墜典使文獻足徵二侯之功寔為大協贊其成者郡貳守黃君信通判毛君鵬錢君士宜而與予同事者郡學生歐陽誠云

雲臺編序

金山堂集 卷三 序
孔子言夏殷之禮有杞宋不足徵之歎吾素爲州僻
在江介波瀾澄復代有文賢昔在李唐藝文特盛若
都官郎中鄭谷摘藻鑄詞見推當時其詩散見各帙
每得一篇咸可膾炙獨世罕全集郡中無傳稽古者
每爲之浩歎相傳州南仰山有都官書堂遺址乃予
攀磴踐棘往尋之不可復識徒見泉聲巒彩悄愴幽
邃殆非人間意其時謳吟嘯歌斯境有助歟夫詩之
道難言矣非天景勝音無以發靈智非功力深到無
以造微蹟予讀都官之作精刻洗鍊時有月露煙雲
之思永夜靜吟至謂得句勝於得官則其平生殫力

於斯可謂勤矣世之士落筆出語未得古人一字而
遽已訾病之豈可乎哉此集予往得之吳中故少傅
王文恪公公本錄自 秘閣予假以歸手自讐校正
其譌缺三之一刻之庶幾以補是州文獻之闕遺云
耳

嬰童百問序

嬰童百問十卷今柱國少保太宰許公疏進于朝
制下禮部爰加校正鏤諸梓以傳云原夫醫之道三
墳五典厥惟濫觴素問靈樞繇斯論著祕啓造化德
濟含靈法天德以好生本神道而設教上古聖人所

創立傳流邈乎遐哉弗可尚已自茲以還民鮮龐樸
六慾干於時診百邪伐其天和所貴仁指迭興迺克
漸次敷治在商則尹製湯液以開識藥性在秦則和
論六氣以參兩變動下歷漢晉唐宋嚆噐味餘著爲
方論如金匱鈞玄如蘭室秘藏如靈苑秘錄簡帙繁
浩無慮數十百家獨念嬰兒脉證內經不載其說僅
自中古巫妨氏著顛顛經以占壽夭歷世相授醫訣
斯興則又散漫難考檢閱彌艱或有證無論孰究病
根或有論無方奚從質据矧夫嬰兒腸胃嬌脆胎氣
稟受時令寒暑燥濕不齊病不能言疑似莫辨醫之

診治豈不倍見其難哉許公自爲翰林編修時得此
書既以識其考據議論精密周詳有足以補岐黃之
所未發翊燮調之所未至蓋注心於是久矣顧當

聖明御極體天地曰生之仁憫生靈札瘥之患昨者
疫氣流行致厯宸慮手檢方書親加劑量以救藥
生靈而公首以是編納忠上進蓋所以仰體聖衷
擴施元化衛民命而壽國脉此大臣君子之事也綸
音嘉答特賜布諸天下斯世斯民獲是書之全活其
嬰幼俾免天闕豈非幸哉公河南靈寶人也父子兄
弟並位卿保玄成篤世德之懿公著競家聲之美流

澤延休厥有攸自識者謂公仁厚惻怛根諸心而欲推以及物亦其一端云蓄故表而序之

雲臺編後序

予始得都官雲臺編手錄刻之不獨重其詩也重夫鄉之先賢以爲若一藝名于世者猶表見之不忍使其泯滅不聞况夫有大勲德節義者乎及在秘閣閱所藏宜春志集有童宗說撰雲臺編後序其論都官當僖宗時獨能知足不辱韜晦里閭全去就始終之大節異於其時貪得躁進者而祖公無擇表其墓圖像配于韓公之祠則其行之可賢又如此而世徒

以詩目都官豈知言者哉夫誦其詩而不知其人可乎此孟子有尚論其世之歎也予故并錄宗說之文無擇之表刻附茲集詩曰高山仰止景行行止後之君子當有同予之情者

代祀贈言錄序

異時朝廷之士有銜命于外者則其同好必相與飲餞賦詩道揚諭慰勤勉篤厚若古烝民崧高之流所以宣其勞相其職美其去祝其還也劉公爲符卿當今天子踐祚受詔往勤祀事于江漢之南于時公卿大臣館閣曹署之彥咸歌之夫雲龍協運昭利見

之機茅茹彙征侈同升之慶驟駢儼服原隰增輝則
抒授簡之情聯穆如之頌不當然也歟 國家歷世
游豐爰及近歲崇極而圯 明聖嗣起清廓氛曠登
于休明海內拭目嚮風承德觀夫麟鳳遊於省臺纁
帛交乎巖壑庸非休否為泰之時乎夫常變靡形剝
復相代酷暑起於溫旭微霜至於堅冰是編所紀瀾
瀾乎治世之音也然考世道升降賢才盈縮士氣興
沮人事離合則欣嘅係之矣後之覽者寧不有感於
斯

周氏族譜序

維周氏居分寧世有譜五世貞溪翁創之七世可菴
翁重修之南山來軒兩都憲公又繼修之而今大司
寇泉坡公實會粹而成焉爰自岳守世傑子曰文
勝參謀帥幕留居分寧是為一世著本始也自世傑
而下載以昭穆聯以字行繫以生卒年月著以仕隱
履歷迄今十有三世區分明列明系序也錄封贈之
誥勅諭祭之文侈國恩也錄誌狀表碣傳贊名鉅之
作紀先德也惇善作則垂訓後昆作正家之規凡十
有二條示範守也而譜之法備矣公自佐藩長臬恒
以此帙自隨既而入拜卿正職典邦憲簿牒之所省

決章疏之所敷奏盤錯糾紛固有寧逸乃克以其餘力從事毫翰以迄成茲編其爲志不亦勤矣哉然予觀之周氏厥先雖代有聞人詩禮繼承科第相望而篤濬之祥迺始大發於泉坡公登踐八座碩大顯融蓋前所未有者矣古者卿大夫紀德昭世於國則太史有世家之籍矧於家可無譜而譜之輯公能不獨任其責哉大臣進則爲國陳立綱紀秉執文法以乂安宗社退則居鄉黨訓飭來裔以倡導俗化公近者以陳謝奉 旨得歸其鄉其子弟後進得公之歸聽其言議視其行履而有所觀法以興起于孝忠敬讓

之俗他日 聖天子特召公起而膺天下之重寧不自其成教於家者而推之哉譜成公謂高使弁以言故爲之序

龔氏譜序

夫譜辨世次序昭穆紀先德尊祖合族疏戚不紊燕祭以時喜慶而憂吊尚讓與睦而家政行焉故譜不徒作也安溪令龔君栗夫其家吉水之南白沙龔坊世有譜久且壞君曰所貴乎家者善有繼也教有率也忘善澤斯匱矣湮教衆斯乖矣匱而先辱乖而習移我儀圖之以訓我有家庸非吾之責乎於是始作

斯譜君昔以盛年舉鄉薦業修而志銳期邁徃自樹然屢試于春官弗利卷其瓌竒僅試一邑今既倦且歸矣其志乃勤勤於斯舉孔子曰是亦爲政嗚呼觀於其家而昔之爲邑可知矣世之君子必有悲君之立志者矣

碑

嚴州夏公祠堂碑

嚴郡治之東有堂焉曰夏公之祠夏公諱鼎字汝梅廣信貴溪人也弘治丙辰進士筮仕爲嚴州府推官今歿且四十年矣州民思之築祠以祀公祠成浙憲

長李公崧祥嚴守吳侯世澤書來告高請書其事于石曰嚴爲郡當甌睦之衝民訟滋甚始夏公入其疆省方觀風則慨然曰民固悍而俚哉夫民譎則難御惟悍近直惟俚近朴可導矣吾聞刑以弼教然教亦可省刑乃務爲躬行以德先之條具約束開示禍福凡其俗之暴偷踰侈爲訟萌者遏之稍知畏法者慰撫之悍頑者亦不即加法必使退而思之至不得已而後寘于刑至死刑則惻怛哀矜達于面目曰吾求生汝而不得也每兩造具備片言質成徒訟之夫望公之色縮舌汗慄不能出詞或有赴郡之庭中道而

反者旁郡民求直於上官輒云欲得夏推官夏推官云嗟乎獄者民之命也衡鏡稍失死生懸殊是故聽訟爲難然夫子曰必也使無訟乎若夏公者既優於聽斷而尤務化導其民以正其源庶幾廩廩德義君子之風矣嵩晚進不及望公之履絢然嘗聞公姿貌魁特其文學蔚瞻可以職侍從遇事風發言議侃直可以司諫諍彌綸經濟之略可以需公輔而官止一州牧年下壽以卒厥用弗究君子惜之雖然儲休委祉乃有今少傅公夙授庭訓清忠欲議贊今天子禮樂之治茂建格天之勲光寵顯大震耀百世則公

亦何必身自爲之邪昔宋歐陽觀爲綿州推官嘗夜燭治官書爲死獄求生實生文忠公修爲有宋名臣少傅公起諫垣入翰苑至位政府文學論議履歷無不似文忠而降遇過之若公治獄一事與綿州公又實同符語曰有陰德者後必大詎不其然世之爲吏者眎此可以勸矣公志古行方每與俗忤自嚴稍遷知臨清州惠政尤多尋以勞瘁卒官臨清之民亦祠公河堤之上蓋公所至德澤在民如此嵩不佞景贊休烈敬縷堅石而作迎享辭一章使郡人歌以祀公其辭曰

奠桂酒兮椒漿公儼若兮降斯堂宮師兮帝傳白玉
為鑿兮玄衮及黼皇贈兮奎章煥日月兮照下土治
我民兮有德卧桁楊兮弛微纆孰曰天道難諶兮觀
公之後兮昌大有赫春山白雲兮桐江綠波昔衍遊
兮憇以婆娑延竚兮有懷公弗我來兮傷如之何

定遠令唐君遺愛碑

唐君治定遠之三年而報政于 朝定之民瞿如怒
如而皇皇如曰公歸不復也已則相與聯狀署名詣
部使者乞留之弗得則相與捧土聚金而築生祀之
祠則匍匐走留都乞予書其祠之碑而旅進懇于庭

皆垂白者驚之老予驚問狀曰吾儕小人足未履公
府目不識都閩今而越江濤冒霜露以來者凡以吾
令君之德我也自令君之來吾邑也而士者興學農
者力田訟者得所愬而平鰥寡者有養役均而勞者
休征寬而供者省廢墜者舉流亡者復苞苴弗行悃
幅無華要其心誠乎愛民者也惟其誠故所圖惟注
措經久弘遠匪飾文以要譽條畫利病抗言於上官
必使無遺便乃已嗟乎今則去我而靡所依矣是故
物代遷易非石無以紀馨采陳列非文無以揚吾聞
之今君者公門下士也故敢有請焉予視其貌樸而

察其言信也然告之曰置吏以爲民食祿而勤事乃
吏之常耳祠非所尚也且夫國有典憲課有殿最惟
昭惟公其何庸茲曰祠也繫吾邑人之思爾矣他不
敢知也蓋屢至而請益勤戶部正郎張子國紀則又
相之以請嗟乎孔子曰斯民也三代所以直道而行
觀于定遠之民非耶先民之言水也曰載舟亦覆舟
民猶水也撫之則恩恩則懷懷則去而思怫之則怨
怨則讟讟則懼其去弗速也蓋昔者周人思召公也
愛其樹而不忍傷其詩曰蔽芾甘棠勿剪勿伐夫樹
猶愛矧曰其人或者謂賢聖遼逖教道陵夷民志不
其德業日進也予未測其所至銘曰

純化理乃窒古今人不相及豈其然哉碑而志之匪
直以慰定民之思嗣吏於斯者得所覽觀矣君名錡
字子薦滇南晉寧人嘉靖丙戌進士今擢爲侍御史
邈彼日南粵古梁州篤產俊乂中二是速入對于廷
出宰畿縣臨濠之墟奕奕豐甸君寔爲之不亟不徐
民之所適君樂與趨君來于定民始閔閔絃誦闕稀
萊蕪四境作之飾之必牖其聰雅之闢之俾即于豐
逋滯蠲滌休明易風民所痼隱若切其躬定人恬謳
莫厥攸處如暘得醒沃以時雨野積秔稻庭卧柎楊

金山堂集 卷三
三感協應五瑞凝祥民曰唐侯邦家之光豈弟君子
神介爾福進陟內臺 天子耳目民曰吁哉奪我父
母孰哺孰衣疇卹我後定鄴崇崇爰作新宮協志貞
義不勸而同密邑懷仁中牟紀異召國留棠峴山墮
淚懿德是好今古斯民刻文在石永世靡湮

旌表竇氏貞烈之碑

瑞州府通判姜榮仁甫之妻竇氏死節事聞 詔賜
碑旌門表之曰貞烈正德七年夏尚書禮部符下省
府太守鄺侯璠合部吏士耆民言曰自古貞媛烈姬
必經變故而後見史冊相望今觀尚書章奏所稱不

為盜汚死節者山西之郡多至三十二人瑞賊煽亂
彌年攻剽淫暴甚獨竇厲不可辱之節凜然儔伍間
豈休威顧身比比然抑造次引決畢命草莽不幸不
為人知者或多也賴 天子神武殄殲群兇平亂既
成彰善斯舉而安侑弗飭其奚以激勸于后其度地
樹淺石屬辭史氏以稱 明詔褒寵節義之意於是
高安令翁素使來謁辭謹按竇名善惠京師崇文坊
人也嫁為仁甫妻仁甫以冬官主事出判興化尋改
瑞州華林賊乘間來攻瑞城仁甫方署事亟挈郡符
付諸竇出集兵捍賊賊斧垣入竇度不可復脫匿

潛竄符賊執之又執其子婦懇釋之獨執竇行高安
民盛豹一父子亦在執竇語賊曰此人可遣還報諸
官官必以多金來贖得金強得我賊如其言竇耳語
盛曰我不死者以郡符未白也汝還言於官在某處
無念我我即死矣至花塢鄉遇道傍井給賊喝求飲
遂投井死賊相顧駭歎去六年五月十三日也明日
仁甫求以歸面如生殯城南僧院今祠在瑞城東迎
恩門內志而係之詩詩曰

皇降下民厥賦惟鈞嗟茲竇姬稟德淑靈蒸蒸在門
好靖寡言爰侍君子守官來筠筠襲寇婚豨突豕奔

銅窟林麓嘯呼成群乘間竊發遽侮于垣氛焰翕張
載驅啓行仰天大呼有淚盈眶詎敢愛死以污犬羊
繫郡有符君子畀我符存罔負我死其可盤盤者村
曰于花塢有列彼泉寔我死所奮身一躍目不見水
躬豈匪卹義之是取如金出冶如玉全璞如彼松栢
挺然衆落古有二竇投崖而隕爰有彩鸞赴流以盡
烈烈竇姬匹之曷疚駢美載籍以昭于後惟柱史郡
伯抗疏首稽天子亦惻制書燁煌表厥里宅迺相
城東作室嚴嚴玄楹髹門有奕像瞻邦人至止烹牲
是祀旨酒既清邊豆維楚鼓鍾送尸款款歌舞天

子萬年金湯四維邦之清寧人以完嬉爾有室女娟
娟秀眉閨闈不出豈識悲思刻辭堅珉以載 帝德
以揚令芬以示民則

鈴山堂集卷第二十一

鈴山堂集卷第二十一目錄
記

日鑒堂記

素山新營所居記

恩賜堂樓名額記

懸車堂記

思勉堂記

別號志

古城新第記

榮賜樓記

子萬年金湯四維邦之清寧人以完嬉爾有室女娟
娟秀眉閨闈不出豈識悲思刻辭堅珉以載 帝德
以揚令芬以示民則

鈴山堂集卷第二十一

鈴山堂集卷第二十一目錄
記

日鑒堂記

素山新營所居記

恩賜堂樓名額記

懸車堂記

思勉堂記

別號志

古城新第記

榮賜樓記

介福堂記

愛賢堂記

遐觀亭記

寄適園記

鈴山堂集卷第二十二

記

日鑒堂記

詩敬之篇曰天維顯思陟降厥土日監在茲記者曰
成王訪落之詩也君道也言天之聰明無所不及人
君事天常若陟降於吾之所為而無日不臨監于此
焉夫人臣之事君即君之所以事天者也君曰天為
高遠而莫予監也於是乎般樂怠傲違天厲民者有
矣臣曰君為高遠而莫予監也於是乎泄沓施緩徇
私蔑公者有矣是故知夫出往遊衍莫非天也而祇

若天道之意存知夫視聽明威莫非君也而謹守王
度之意存斯寅畏兢惕福祿所由致也予讀是詩而
得臣事君之道曰知事天則知事君矣寓邸在長安
之街西有堂焉北瞻宸居 君父在上恒若無日而
不臨監于此也夫人君其尊如天其明日月其威雷
霆也矧今 皇上神聖睿明旁燭萬里在廷群臣臧
否勤怠 聖鑒昭如毫髮不爽而予也以眇焉孱陋
當眷任豈不重可畏乎因取詩語名其堂時顧諟斯
義而思儆云耳

素山新營所居記

予始卜居鈴山然邑濱河恒有水患每霖潦漲溢輒
及舍壁之半於是始謀卜居郡城郡之西故有官廨
歲久圯而徙併他所或曰靜僻可居嘉靖庚子夏入
直于官營茲址而居焉址以丈計橫四十有奇縱如
之北枕城麓東舊爲窪池則實以厚土西鄰官局則
限以崇垣其南居民數家咸願樂售又買之則闢以
通衢加延袤焉予比歲荷蒙 皇上恩賚隆渥因悉
出賜金以佐凡費始作正寢之堂東爲祠堂祠後爲
書堂東北建樓以尊貯 上賜密諭之札 御筆之
詩累賜之誥勅而樓曰瓊翰流輝堂曰忠弼者 上

所賜名也其西隙地爲圃累石植樹構堂其間曰懸
車行將乞謝而歸則佚遊于斯賓讌于斯而命之曰
憇老之園斯吾作室之初意也蓋吾之始營茲室也
自矢諸心而貽書蕃曰吾無勲業在官無惠澤及鄉
黨茲舉慎毋以私役勞民重吾不德故終是役也不
敢假官府一力焉按志郡有山在秀江之北曰素山
以漢高士素京居之郡因以名茲所居雖在城郭而
林岫迴合煙雲蒼翠近在几席巾車方舟往來鈴素
之間隨在而適孰使予樂恬曠而釋煩累者非茲兩
山也歟爰刻茲石以識夫興建之所繇而懸車堂別

有記

恩賜堂樓名額記

嘉靖癸卯五月二十六日嵩具疏言臣比年蒙皇
上所賜手諭聖製充溢私篋又蒙節賜玄象昨以祿
賜所積于里第建樓用謹宸奎之藏茲已落成伏
乞聖恩賜之名額不勝幸甚是夕召對于璇霄殿
上面定樓名曰瓊翰流輝其奉玄像之所曰勅賜
延恩之閣以黃帖一手書賜之高頓首謝時天顏衍
豫嵩復以堂名請上曰卿事朕克盡忠悃盡以忠
名而其下一字未定上握筆凝神構思徐曰再思

之時漏下二十刻嵩既退明旦出御批乃賜名曰忠弼及命工曹製扁給賜云于時在廷之臣敬瞻羨歎咸謂恩昇堂名雖有二三輔臣故事然其字義之精未則臣嵩爲專蓋輔職曰弼有拂正之義焉書曰予違汝弼舜命禹言我有違戾于道爾當弼正其失夫舜大聖人也豈有違待於弼哉由不居其聖惟恐過之不聞言之不盡故望於臣下如此也仰惟皇上睿明神聖出於天縱猶且諮政詢謀俯逮臣鄰面計札諭孜孜罔置邇者又蒙賜臣銀記其文曰忠勤敏達而特勅曰賜卿此記以便謀猷入告天語所

期與名堂之義實互相發而於忠之一字每致意焉皇上之心是即大舜之心也顧臣庸鄙猥瑣冒處政府懷負乘之慙每受宸渥切冰淵之懼輸涓流以益巨海持燭火以助太陽其將能乎惟是忠誠一念夙夜盡瘁期質神明堅確弗移可貫金石斯則臣之所自勉自信而弗敢有負者也因伏自念雖臣孱陋不足以仰承大賜然聖主所以寵嘉愚臣之至意不敢不志之以昭示來世嗟夫宸章奎畫並河漢以爭輝寶刻璇題揭江山而改觀用是摹勒御筆鑱諸琬琰而謹叙拜賜之歲月如此云

懸車堂記

昔者夫子之訓以里必擇仁袁州古宜春郡其風氣茂密城郭完固其人力田勤生粳稻魚筍果蔬之利足以自資故重違其鄉溪瀨湍急大舟不得進四方工巧奇靡之貨不至故民不見可欲土俗愿樸鮮囂僞囂獷之習蓋庶幾所謂仁里者矣而其岡巒廻擁林壑映帶雲煙寂而泉石嘉郭郭井邑若在屏障圖畫之間又有足樂也且吾家鈴山往來不百里而父母之邦也予童而遊焉壯而從仕周徧兩京餘三十年務劇形勞思抗志於埃壙之外矧年既老而髮種

種矣揆之止足之義於退休為宜故擇地于郡治之西使營一區而將老焉而題其西圃之舍曰懸車堂或聞而咻之曰子乘軒曳裾拖玉紵朱致身重位策足高衢秘苑宵直 皇宮書趨晉錫便蕃顧問勤渠雖有林泉其得樂諸名堂之二其不欺予哉予嘿不應嗟夫君子進則服勤盡忠于君退則忘名求志乎已迹雖不同惟義之安而已予也潛志山澤馳思丘樊招雲月於東溪侶猿鶴於北谷浩歌永言乃其本懷狗祿忘返是惟深耻獨以誤荷 聖天子殊眷隆渥義不得遂其私鞠躬盡瘁乃其分耳萬一他日仁

聖憫其老衰賜之南還獲稅輿輶從于邦人父老婆
娑里門以咏歌至化坐觀美俗畢吾之所好則豈非
厚幸哉姑記此以俟

思勉堂記

堂名思勉何志 聖訓也是維嘉靖己亥九月廿八
日 皇上有事山陵駐蹕感恩殿召勲輔臣勛臣希
忠臣元臣言臣鼎臣暨禮官臣嵩入對 榻前指授
諸所罷行事宜既五臣退 上獨留嵩諭曰卿勉盡
忠誠人言勿以介意只要盡職嵩感激致詞頓首謝
蓋先是有不悅於嵩者言官希其意會考察論及嵩

簾煽諭訛詆擊甚力賴 上洞知其誣不聽既累賜
中旨慰留茲又特賜面諭勞勉之如此云臣退伏自
思念簡冊所載前世材賢之士及勲德大臣受人主
知者何限然或一遭謗毀欲辯無由在宋慶曆時雖
以歐陽修之賢受知仁宗且橫惟口語目為奸邪尋
不免滁州之行乃若嵩之卑鄙贅瑣荒劣繆整擯斥
棄遂乃分之宜顧荷蒙 皇上庇護保全恩眷愈厚
視修所遭不覺異霄壤哉此實遇我 皇上容蓋如
天地故小善弗遺明照同日月故煩言弗惑嵩也曷
克以欽承之夫忠者盡已之謂誠者不欺之謂此為

人臣者事君之道當然也臣自蒙 皇上簡任禮官以來適禮文事殷百責叢委每便殿召對夜分始出論札日數下章疏題覆取具倉卒蒿本無他能惟是夙夜盡瘁罔躬之恤朴忠孤跡恃公道與神明而已凡所擬奏殫盡心力必據理之正語皆由衷間有違拂 上亮其誠不罪也忝冒寵私踰越恒品然衆所嫉忮亦由之嗟乎高曷能報 上哉亦惟 聖訓是繹是思惟忠惟誠勉盡職業圖報於萬一耳矣至於毀譽利鈍非臣之所能知也謹恭錄 聖諭度諸堂中而題其顏曰思勉云

別號志

古者父命之名朋友則以字稱今世士大夫於名字外又創別號其始二三元老爲後學所尊稱近歲則凡仕宦皆有之故雖以予之謏劣亦不能獨違於俗因自號曰介谿近又更號曰勉菴云介谿云者予家谿田之上有磐石巨水中因以名志居地也然予意不唯是蓋嘗觀于先正凡所自號恒寓意箴儆而匪取適泉石之謂夫介者戒也谿者欺也大學論誠意以毋自欺爲戒斯義也守已事君交友之鍼砭藥石也予欲日誦之以有儆焉耳勉菴云者嘉靖己亥予

被時論 皇上召見而諭之曰卿勉盡忠誠人言勿以介意予退而名其堂曰思勉遂以名菴志感恩也且服膺 聖訓而時自省焉嗚呼聖賢之訓明如日星君父之恩同于天地予也一息尚存此志靡懈嘉靖壬寅夏五在告病起偶書

古城新第記

雲岑殿喻北隅支阜衍迤虺縈翼赴折而西南曰古城之巷有丘突如有泉瀏如泉上堂寢門序鬱如萃如而有山林之觀者侍御黎君乾兆之居也始君謀考室視斯地有異狀問之某氏之遺址也其泉旁居

氓侵削幾半圃分而室跨以君之亟酬其直也咸樂嘗焉積歲月侵者復分者合跨者撤中作堂曰蒙耕蒙耕者君舊業在邑北蒙山下示不忘本也又曰仕而休有明農之意云其東依山作樓曰明恩尊 賜勅其上登于斯樓則凡五星之峰九十九折之水皆得平觀而俯視之作寢堂曰成教寢稍前即蒙耕也翼以兩廂曰正蒙曰務本北作軒曰習靜軒北作重屋曰習勤鑿井而汲曰我泉井北迤東藝粟蔬作圃圃後通衢作市區皆繚以甃垣而堂之西作門曰驄繡門外作樓者三以俟賓至而休者子姓學者困積

者衝左右作兩甍門自此北去入茶陵營臨澗作行
屋曰在澗又南出鳳池門據石阜作亭曰可亭有雙
澗翼出旋於江匯爲澄潭若碧練迤邐隱隱林木間
群峰森列天際聚落煙火川原帆船舉在目睫境於
是爲勝環蒔松栢沼被以蓮芡而作櫺屋曰望益合
之曰古城新第云侍御間謂嵩曰吾黎之先唐常侍
諱植者自河南卜喻北而家是曰遞步宋華文閣待
制諱立武者實亢厥宗食指益蕃而代有顯融寶慶
間諱秀栢者又自遞步析居蒙山彈峯之下是曰小
步小步之析至鳳凡八世析古城焉蓋經始至今歷

二十稔而締構始備其勤如此吾旣無所用於世則
庶幾優游而終老焉子幸爲我記其成使後有考也
嗟夫君子懷抱竒傑事功德業期以爲世用也若夫
考槃樂泌隱居獨善者之爲耳侍御以名進士歷臺
察貞憲育英聲望踔絕要欲橫厲遠騁自表見顧遭
讒罷歸無所事事獨竟其力於斯以隱處爲樂豈其
志哉雖然昭榮而蓄德勤穡而敦教含章而寄幽垂
統振緒則所以貽其後者遠矣吾聞位不滿德者後
將大侍御蘊厚而發之薄用宏而出之微吾將覘其
食報於後之人也已姑記之以俟

榮賜樓記

古者人君有賜於其臣乎曰有賜衣裳以章德也賜
弓矢鈇鉞以專征也賜鉅瓚以祀也賜籍示訓也周
武王賜臣以大訓以肅慎之矢密湏之鼓咸以崇勸
功德非是者弗與古者人臣有報賜於其君乎曰有
衣服服以拜賜車馬乘以拜賜召穆公受周天子之
賜作廟器銘而歲之晏子為齊相弊車羸駟而君子
譏之以為隱君之賜少傅大學士序菴李公為今
天子所簡任眷寵優渥晉錫便蕃公於是作榮賜之
樓其始建書院尊其中為珍謨之亭珍謨者 上所

賜名也亭之後則為斯樓棟宇雲矗簷阿鳥翔軒敞
龔密迥軼浮瑤宸章奎翰問政之札敕天之歌同遊
之賦褒忠之勅赫奕昭回於是乎在瑤編緇帙織文
之服篚頒之幣牧貢之金爛盈充斥於是乎在公之
言曰 上德至矣時也何足以欽承之惟是昭遇揭
虔志吾無窮之感云耳其召穆之遺意也歟洪惟我
皇上天縱聖智知人則括廷臣鑒別慎所許可異
寵殊錫唯鉅老二三少傅公純誠忠敬溫文端亮夙
夜匪懈以能迎天之休為宗伯為元輔贊翊禮樂彌
綸王度推引善類劑量吏治嘉猷日告 上皆虛已

而聽焉蓋功在王室澤被天下弘矣且貴窮卿輔而
禮愈恭心愈下休休其量無愚智者信之夫濟物成
務功也庇世壽民德也備是二者自天申之道是直
祿其誰曰不宜耑執筆從太史後公命記茲樓之成
爰質古義敬述斯文後世欲知我明君臣相與之
盛可考見也已

介福堂記

兩洞庭山居震澤中其西山之麓今少宰徐公之居
也公始家食奉母太淑人為堂而居之當澱紫峰之
陽前臨太湖巨浸溶漾林岫鬱紆島垣洲渚盤互交

映嘉木美竹清秀敷舒凡觀望浮游之勝堂得專之
旨甘滫瀡無求於外而足山之人曰太淑人稱備福
矣而公之心怒乎其未有憮也公起翰林自編修侍
讀歷學士官詹至今官積二十餘年遭聖天子銳
意文治公日侍講幄啓沃之功懋焉由是賜誥贈祖
若考皆如公之官而太淑人始有今封宸章煥賁公
涓日選使馳歸為壽曰乃今有以慰吾母者爰摘誥
中語名其堂曰介福云山之人咨嗟忭欣彙有頌言
昔戾茲堂以衍以教今肅瞻哉帝製之褒水關若
廣山增而高堂之翼翼以降以陟淑哉夫人宜受天

錫吾有筐篚吾有酒食以介景福眉壽千億吾儕小人厥養口體孰知榮名親顯迺高聞之禮曰百順之謂福夫輔德沃心忠之大也榮名顯親孝之至也忠孝之謂順順斯福矣夫是之謂福備洞庭之兩山居東者多貴仕而西無聞焉先封君篤孝義太淑人克相之毓德流慶乃有今少宰公顯然公輔之望蓋蛟螭扶輿闕于古始發於今哉是用撫諸山人之詞志在堂壁列之圖經以永憲於千萬禩

愛賢堂記

日鑿之東有小堂以愛賢名之其先爲少保東萊毛

公謝文正公費文憲公相沿以爲居第者也歲久圯甚予贊而新之夫三公者當代之賢輔也文章功業在人耳目而予昔筮仕詞林皆嘗望其顏色炙其誨論者斯地也賢蹟之所寓也昔皮子作七愛之詩慕房杜以爲賢予竊取斯義故堂以名焉或曰鴻跡難期萍居靡定長安宅第凡幾閱主矣留意于茲不已惑乎雖然姑以志吾之所好云耳且吾之居于斯也凡紆軫而維駟者皆朝之宗工彥士也就芝蘭之馥資麗澤之益以足吾之所好而聞吾過增吾之所弗及皆於是乎在是故仰法于前則事得我師近取諸

善則人樂我告斯吾名堂之意也然孟氏謂士當論世尚友則又有進乎古之人者予竊有志而未能焉爰書以爲記

遐觀亭記

鑿南廡之壁爲牖闕其前則爲隣某氏之圃有麥在土茁出青翠如剪有杏花綉艷繁郁如雪雜樹數株離離然立其旁近屋室鱗比櫛次矗矗相望又其前則都城言言橫亘若屏舉目而望則見夫天之高日星之燦烟雲風雨之明靄變幻鳥群飛而高逝曠焉朗焉得大觀焉嗟夫昔之居此者環堵以室四面

無所達目無所覩固都塞而昧昧也今不出戶而得寥廓之觀雖處塵市若出林垆馮欄舒嘯景物森羅胸臆煩擾之累豁然而釋竊有獲於居高明遠眺望之義故名曰遐觀亭云

寄適園記

獲地爲圃中樹一亭以資燕息種竹數挺雜蒔護卉以供怡翫命之曰寄適夫結林木以延清避喧囂而借豁此恒情之所欲也然而委質王室夙夜在公萬務嬰其慮百責萃其躬聞召命則行不俟駕草奏記則筆不停揮雖欲寓情行行棲志恬曠豈可得哉園

名寄適予未嘗得一日之適聊志斯語以代解嘲云
嘉靖乙巳仲夏日記

鈴山堂集卷第二十二

鈴山堂集卷第二十二目錄
記

南京工部新建器皿廠記

贛州府重修二學記

袁州修城記

安慶府堂記

方氏祠堂記

潘氏祠堂記

泰和縣陸侯祠堂記

朝昕亭記

名寄適予未嘗得一日之適聊志斯語以代解嘲云
嘉靖乙巳仲夏日記

鈴山堂集卷第二十二

鈴山堂集卷第二十二目錄
記

南京工部新建器皿廠記

贛州府重修二學記

袁州修城記

安慶府堂記

方氏祠堂記

潘氏祠堂記

泰和縣陸侯祠堂記

朝昕亭記

鈴山堂集
卷二十三
閑齋記

鈴山堂集卷第二十三
記

南京工部新建器皿廠記

今兩都並峙歲供應器皿共一萬計南部視北例三之一然其責均其料直綱運之費恒倍蓰焉每歲掌故來告會物庀材頒于群工以謹百事是故祀于宗廟燕于公宮實于王寢凡器厥有常制罔敢或踰疑土爨金敷采設色刮磨斲削凡技惟良惟勤其弗良且勤厥有常罰罔敢弗共當發運兵曹暨給舍監院執簡而臨之咸引數其實課日投使獻焉夫君人者

欽定四庫全書
卷之三
統馭四海爲民主惟正之供雖上古聖王猶不能母
賴民力以自奉易曰備物致用立成器以爲天下利
莫大乎聖人故有虞氏上陶夏后氏上匠殷人上梓
周人上輿其由來者遠予讀曲禮天子之六工曰土
工金工木工石工獸工草工典制六材至周官考工
記未嘗不歎聖人制法之詳且密也孟子謂萬室之
國不可一人陶器不足用也夫以一家言之必什物
疋焉而後一家之用足推之于國可知矣况有天下
者乎前此工作寄於司空之置叢累突囂器成則山
積兩廡以需發運紛沓散委不便防察大司空崔公

重人才也而其職修舉繫於天下郡邑之吏然予觀
今爲吏有恭有肆故學有修廢矧江右兵興吏簡卒
伍治芻糗提幡鼓日認認然詩書俎豆將有不暇究
意焉夫忠信薄而仁義廢民不興行寧獨其過亦教
學弛吏失職也而茲贛郡乃有二學修云二學昔郡
守曹侯凱斥景德寺之基徙置歲久弗治廟祀弗虔
前後吏欲舉焉弗就正德甲戌巡撫都御史蔣公昇
始詣學慨焉議興茲役太守邢侯珣適至曰吾職也
亟奉公意稽羨市材募勤庀役蠲吉始事而以同知
趙侯本泣茲役二學中合爲廟凡所宜有咸一新有

監療之位有牲殺之所有堂有齋有觀射之圃有儲
經之閣有庖廩之次有門有綽楔傍有八賢祠考成
祭于廟侑以偉耀城級坦修笙鏞協和牲幣飭嘉先
是汀寇竊發贛人患之曰學將壞成已而卒成寇亦
亡患提學僉事田公汝耕涖學嘉茲功曰是知務所
先矣乃命學官諸生具事木末來詣余書勒諸石先
是二學興替學故有記備矣不書書今所修學系之
詩詩曰

猗歟學宮祀教實崇宜崇而圯曷以爲理振敝舉廢
不曰在吏吏眎聘貽累政相繼惟此二學邢守所作
守昔下車適寇爲虐阻山負谿數起鼓桴中丞建謀
茲學是圖守曰休哉拓地庀徒咨爾民庶寇來在吾
民曰德我不誠用勤頌言盈城寇偵弗來版幹畚鍤
尋引斧斤駢集旅會百堵具興乃正廟序廟序翼翼
乃作二學二學秩秩生師攸處有堂有室爰有俎豆
亦有書詩以祀以教俾勿怠曠文治燭典通自茲始
百爾有政視此成美

袁州修城記

正德庚辰夏大雨水素之城壞太守江東羅侯輅始
至議修之維時兵革甫息饑餽耗竭民用告病侯曰